



Bentiaraq Ottosen
Atassut

UKA 2023/75
7. November. 2023

**Nunatsinni inuiaqatigiinni aalanerulernissamut qanoq iliuuseqaqataasinhaaneq pillugu
apeqquteqaat aallaavigalugu oqallisissiatut siunnersuut**
(Inatsisartunut ilaasortaq Lars Poulsen, Siumut)

Timikkut tarnikkullu peqqissuunissarput pingaaruteqarluinnarpoq, peqqinnartumillu inooriaaseqarnissarput nammineq aaliangigassarigipput isumaqarlunga. Timersorneq pillugu aalanerulernissamut politikkeqarnerput inuiaqatigiinni isumaqartorujussuuvoq, taamaaliornikkut pinaveersaartitsineq malitsigisaanik malinnaasunngortissagatsigu.

Inoqarfinni allani pingaarnertut isorliunerusuni taaneqartartuni ajornartorsiutaasoq oqallinnissamik siunnersuuteqartup qaqligaa eqqarsaatigalugu, eqqortuuvoq takussaallunilu inuiaqatigiit akornanni unnuami pinerlunnerit annertusinnaasarnerat. Tassani inissisimavoq pisariaqartitsinerit inoqarfinni minnerusuni, timersornikkut periarfissat pinaveersaartitsinerullu aqqani periarfissat anniktsuinnaaneri pillugit.

Atassummiit pingaartilluinnakkatta ilagaat nunatsinni timersornikkut pinaveersaartitsinakkullu periarfissat suugaluartulluuniit peqataaffigalugit ineriartortinneqarnissaat, tassunatigut anguniagatta pingaartumik peqqinnerusumik inooriaaseqarnissatsinnut toqqammaviliinissaa pingaaruteqarmat. Timikkut tarnikkullu peqqissuunissaq kikkulluuniit toqqartarpaat, kisiannilu peqqinnartumik inooriaaseqarnissaq nammineq inummiippoq aaliangigassaaq. Tamanna erseqqissumik oqariartutigaarput, pingaaruteqarmat inuit nammineerlutik kiffaanngissuseq aallaavigimmassuk.

Timersorneq tassaavoq inuup kiffaanngisussaanut nukimmik tunisisinnaasoq, pingaarnertut suliassaqarpugut. Inuiaqatigiinni timikkut tarnikkullu peqqissuuneq anguneqassappat, ataatsimoorluta tapersersoqatigiilluta Nunatsinni timersoqatigiiffiit kattuffiata periusissiaa atorlugu ingerlanissarput pingaaruteqarluinnartuuvoq.

Atassummiit pingaartumik oqariartutigerusupparput timersornerup saniatigut sulisinnaassuseq qaffakkiartorsinnaammatt, tamanna assortorneqarsinnaagunangilaq sulisinnaassuseq inuusuttartsinnik qaffassassagutsigu pingaaruteqarluinnarpoq sunngiffimmi sammisaqarsinnaaneq aamma periarfissatsiallassasoq oqallisigineqarnissa. Uani pineqarmata sumiiffimmi pinaveersaartitsinakkut anguniagallit peqatigalugit nukittorsaanissaq.

Timersornerup avataatigut sammisassaasinhaasut amerlaqaat, soorlu eqqartorneqarsinnaapput eqqumiitsuliorneq, sanalunneq, nipilersorneq, allallu inuup soqtigisai aallaavigalugit ineriartortsinerit. Tamanna ukkatarineqarnissa aamma Atassummiit kaammattutigaarput, inuup nammineerluni toqqakkani soqtigisanilu aallullugit ineriartornissa aangutserumallugu.

Taamatut oqaaseqarlunga oqalliseqataanitsinnik qujavunga.